

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-7-592/19  
Sarajevo, 4.4.2019. godine

**Z A P I S N I K**  
**1. SJEDNICE DOMA NARODA PARLAMENTA FEDERACIJE BOSNE I**  
**HERCEGOVINE, održane**  
**1. aprila 2019. godine**

Sjednica je počela u 13.10.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegate, članove Centralne izborne komisije Bosne i Hercegovine, predstavnike Vlade Federacije, predstavnike medija, međunarodnih organizacija i goste.

Izostanak sa sjednice su najavili delegati Senad Ahmetović i Sejad Tatarin.

Prema evidenciji Stručne službe sjednici prisustvuje 50 delegata što čini većinu pa Dom naroda može raditi i punovažno odlučivati.

Prije prelaska na rad predsjedavajući je pozvao delegate da usvoje Zapisnik Konstituirajuće sjednice Doma naroda.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno, sa 38 glasova za, usvojio Zapisnik Konstituirajuće sjednice Doma naroda Parlamenta Federacije Bosne i Hercegovine, održane 20. februara 2019. godine.

Potom je predsjedavajući podsjetio delegate da, na osnovu člana 109. Poslovnika o radu Doma naroda Parlamenta Federacije Bosne i Hercegovine, ukoliko žele mogu postavljati delegatska pitanja ili pokretati inicijative.

**DELEGATSKA PITANJA I INICIJATIVE**

**Segmedina Srna-Bajramović** je pokrenula inicijativu za izmjene Zakona o pravima izabranih dužnosnika, nosilaca izvršnih funkcija i savjetnika u institucijama vlasti Federacije Bosne i Hercegovine te postavila

dva pitanja. Oba pitanja je postavila Federalnom ministarstvu zdravstva. Upitala je šta je konkretno problem i ko je odgovoran za opstrukcije u implementaciji Zakona o transplantaciji organa i tkiva u svrhu liječenja, da li postoji akcioni plan implementacije tog zakona, ko su nosioci konkretnih aktivnosti i koji su rokovi te da li Parlament Federacije može uraditi bilo šta da pomogne ministarstvu u otklanjanju opstrukcija?

Drugo pitanje se odnosi na formiranje komisije za primjenu postupaka biomedicinski potpomognute oplodnje. Upitala je Federalno ministarstvo zdravstva da li je formirana najavljena stručna komisija, da li je počela raditi na smjernicama i kada se može očekivati praktična primjena rješenja iz Zakona o liječenju neplodnosti biomedicinski potpomognutom oplodnjom?

**Vesna Saradžić** je postavila dva pitanja. Prvo pitanje je postavila Federalnom ministarstvu zdravstva. Pitala je da li će uslijediti nove izmjene i dopune Zakona o transplantaciji organa i tkiva u svrhu liječenja u skladu sa očekivanjima velikog broja pacijenata u Federaciji.

Drugo pitanje je uputila ministarstvu unutrašnjih poslova i Federalnoj upravi civilne zaštite, a odnosi se na to da li je utvrđivana odgovornost za prethodnu godinu po pitanju velikog broja požara te da li je zakonodavni okvir po pitanju sankcija adekvatan ili su propusti druge prirode.

**Jasmin Duvnjak** je Vladi Federacije uputio inicijativu za izmjene i dopune Zakona o pripadnosti javnih prihoda u Federaciji Bosne i Hercegovine.

**Aner Žuljević** je uputio inicijativu i postavio pitanje Vladi Federacije. Pokrenuo je inicijativu za izradu zakona za izmjene i dopune Zakona o fiskalnim sistemima u smislu implementacije rješenja online fiskalizacije. Pitanje se odnosi na nekretnine Fabrike duhana Mostar, a vezano za sudsku odluku da kompleks bude prodat po cijeni od 3,5 miliona KM. Upitao je Vladu Federacije da li će se uključiti u osporavanje prihvatljivosti navedene odluke s obzirom da se radi o višestruko nižoj ponudi naspram obaveza koje postoje i prema državi i prema radnicima.

**Zvonko Marić** je postavio pitanje sekretaru Doma naroda da li postoji mogućnost da se sjednice Doma naroda prenose uživo putem interneta.

Potom se prešlo na utvrđivanje dnevnog reda.

Predsjedavajući je obavijestio delegate da je Vlada Federacije Bosne i Hercegovine dostavila: Prijedlog zakona o Gradu Čapljina, Prijedlog zakona o Gradu Ljubuški, Prijedlog zakona o Gradu Gradačac, Prijedlog zakona o Gradu Visoko, Prijedlog zakona o Gradu Gračanica, Prijedlog zakona o Gradu Srebrenik, Prijedlog zakona o Gradu Živinice, s prijedlogom da se

razmatraju po skraćenom postupku, te je pozvao delegate da se izjasne o ovom prijedlogu.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 45 glasova za, četiri uzdržana glasa i četiri glasa protiv prihvatio da se Prijedlog zakona o Gradu Čapljina razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 40 glasova za, pet uzdržanih glasova i dva glasa protiv prihvatio da se Prijedlog zakona o Gradu Ljubuški razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 42 glasa za, tri uzdržana glasa i tri glasa protiv prihvatio da se Prijedlog zakona o Gradu Gradačac razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 41 glasom za, tri uzdržana glasa i tri glasa protiv prihvatio da se Prijedlog zakona o Gradu Visoko razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 42 glasa za, tri uzdržana glasa i četiri glasa protiv prihvatio da se Prijedlog zakona o Gradu Gračanica razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 42 glasa za, tri uzdržana glasa i tri glasa protiv prihvatio da se Prijedlog zakona o Gradu Srebrenik razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 42 glasa za, tri uzdržana glasa i tri glasa protiv prihvatio da se Prijedlog zakona o Gradu Živinice razmatra po skraćenom postupku.

Zatim je predsjedavajući stavio na glasanje i, na osnovu rezultata glasanja, konstatovao da je Dom naroda Parlamenta Federacije Bosne i Hercegovine sa 43 glasa za i pet uzdržanih glasova usvojio sljedeći:

#### **D N E V N I R E D:**

1. Verifikacija mandata delegatima u Domu naroda Parlamenta Federacije Bosne i Hercegovine,

2. Prijedlog zakona o Gradu Čapljina - skraćeni postupak,
3. Prijedlog zakona o Gradu Ljubuški - skraćeni postupak,
4. Prijedlog zakona o Gradu Gradačac - skraćeni postupak,
5. Prijedlog zakona o Gradu Visoko - skraćeni postupak,
6. Prijedlog zakona o Gradu Gračanica - skraćeni postupak,
7. Prijedlog zakona o Gradu Srebrenik - skraćeni postupak,
8. Prijedlog zakona o Gradu Živinice - skraćeni postupak,
9. Prijedlog odluke o davanju prethodne saglasnosti za kreditno zaduženje JP "Elektroprivreda BIH" d.d. Sarajevo kod izvozno-uzovne banke Kine za Projekat izgradnje bloka 7 - 450 MW TE Tuzla,

-Prijedlog odluke o odobravanju Odluke o izdavanju garancije Federacije Bosne i Hercegovine u korist izvozno-uzovne banke Kine za kreditno zaduženje Javnog preduzeća "Elektroprivreda Bosne i Hercegovine" d.d. Sarajevo.

## **1. Verifikacija mandata delegatima u Domu naroda Parlamenta Federacije Bosne i Hercegovine**

Centralna izborna komisija obavijestila je Dom naroda da je dodijelila mandate sljedećim kvalificiranim kandidatima iz reda srpskog naroda: Nikica Bosnić, Mladen Lonić i Dragan Stevanović.

Predsjedavajući Doma naroda je pozvao predstavnika Centralne izborne komisije da uruči uvjerenja o izboru za delegate u Dom naroda Parlamenta Federacije Bosne i Hercegovine.

Potom se Domu naroda obratio Suad Arnautović koji je rekao da je Centralna izborna komisija na svojoj 28. sjednici od 13.3.2019. godine donijela Odluku o drugoj dopuni Odluke o potvrđivanju rezultata posrednih izbora i dodjeli mandata za Dom naroda Parlamenta Federacije Bosne i Hercegovine. Pozvao je delegate koji su prema ovoj odluci izabrani u Dom naroda da preuzmu uvjerenja te im je u ime Centralne izborne komisije čestitao na osvojenim mandatima.

Nakon toga predsjedavajući je pozvao predstavnika Privremene mandatno-imunitetske komisije da obrazloži izvještaj Komisije.

Tomislav Mandić je izjavio da je Privremena mandatno-imunitetska komisija razmatrala Odluku o drugoj dopuni Odluke o potvrđivanju rezultata posrednih izbora i dodjeli mandata za Dom naroda Parlamenta Federacije Bosne i Hercegovine te konstatovala da je Centralna izborna komisija u skladu sa odredbama Izbornog zakona Bosne i Hercegovine, odredbama Uputstva o postupku provedbe posrednih izbora za tijela vlasti u BiH, kriterijima, postupku popune nedostajućih mandata u Domu naroda Parlamenta Federacije Bosne i Hercegovine Opći izbori 2018. godine dodijelila mandate za Dom naroda Parlamenta Federacije Bosne i Hercegovine sljedećim delegatima: Nikica Bosnić, Mladen Lonić i Dragan Stevanović. Privremena mandatno-imunitetska komisija je predložila Domu naroda da verificira mandate navedenim delegatima.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 47 glasova za, dva uzdržana glasa i jednim glasom protiv verificirao mandate delegatima iz reda srpskog naroda u Domu naroda Parlamenta Federacije Bosne i Hercegovine i to: Nikici Bosniću, Mladenu Loniću i Draganu Stevanoviću.

Nakon toga su delegati dali zakletvu, a predsjedavajući Doma naroda je podsjetio delegate da su nakon verifikovanja mandata i date zakletve, u skladu sa članom 260. Poslovnika o radu Doma naroda, stekli sva prava i dužnosti delegata u Domu naroda Parlamenta Federacije Bosne i Hercegovine.

- 1. Prijedlog zakona o Gradu Čapljina - skraćeni postupak**
- 2. Prijedlog zakona o Gradu Ljubuški - skraćeni postupak,**
- 3. Prijedlog zakona o Gradu Gradačac - skraćeni postupak,**
- 4. Prijedlog zakona o Gradu Visoko - skraćeni postupak,**
- 5. Prijedlog zakona o Gradu Gračanica - skraćeni postupak,**
- 6. Prijedlog zakona o Gradu Šrebrenik - skraćeni postupak,**
- 7. Prijedlog zakona o Gradu Živinice - skraćeni postupak,**

Prijedloge ovih zakona utvrdila je i u parlamentarnu proceduru dostavila Vlada Federacije.

Predstavnički dom Parlamenta Federacije Bosne i Hercegovine obavijestio je Dom naroda da je na 1. sjednici održanoj 28. februara 2019. godine usvojio Prijedlog zakona o Gradu Čapljina, Prijedlog zakona o Gradu Ljubuški, Prijedlog zakona o Gradu Visoko, Prijedlog zakona o Gradu Gračanica, Prijedlog zakona o Gradu Gradačac, Prijedlog zakona o Gradu Srebrenik Prijedlog zakona o Gradu Živinice u tekstu kako ih je predložila Vlada Federacije.

Prijedloge zakona razmatrala su nadležna radna tijela i dostavila svoje izvještaje.

Prije nego je predstavnik Vlade Federacije obrazložio prijedlog zakona o gradu Čapljina delegat Senad Alić je predložio da predlagač obrazloži svih sedam prijedloga zakona po skraćenom postupku zajedno i da se vodi jedinstvena rasprava te da se izjašnjavaju pojedinačno po svakom prijedlogu, a što su delegati Doma naroda sa 46 glasova za i tri uzdržana glasa i prihvatili.

Nakon toga predstavnik Federalnog ministarstva pravde Enver Išerić je obrazložio prijedloge zakona o gradovima.

U raspravi su učestvovali: Hajrudin Halilović, Samir Suljević, Zvonko Marić, Vibor Handžić, Damir Marjanović, Segmedina Srna-Bajramović, Dragan Stevanović, predsjednik Kluba delegata bošnjačkog naroda Jasmin Duvnjak, predsjednik Kluba delegata hrvatskog naroda Ivo Tadić i Aner Žuljević.

Nakon rasprave prešlo se na izjašnjavanje o svakom prijedlogu zakona pojedinačno.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 40 glasova za, pet uzdržanih glasova i pet glasova protiv usvojio Prijedlog zakona o gradu Čapljina.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 37 glasova za, pet uzdržanih glasova i pet glasova protiv usvojio Prijedlog zakona o gradu Ljubuški.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 44 glasa za, tri uzdržana glasa i četiri glasa protiv usvojio Prijedlog zakona o gradu Gradačac.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 39 glasova za, devet uzdržanih glasova i tri glasa protiv usvojio Prijedlog zakona o gradu Visoko.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 42 glasa za, šest uzdržanih glasova i tri glasa protiv usvojio Prijedlog zakona o gradu Gračanica.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 44 glasa za, četiri uzdržana glasa i četiri glasa protiv usvojio Prijedlog zakona o gradu Srebrenik.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 44 glasa za, pet uzdržanih glasova i četiri glasa protiv usvojio Prijedlog zakona o gradu Živinice.

Nakon razmatranja Prijedloga zakona o Gradu Čapljina, Prijedloga zakona o Gradu Ljubuški, Prijedloga zakona o Gradu Visoko, Prijedloga zakona o Gradu Gračanica, Prijedloga zakona o Gradu Gradačac, Prijedloga zakona o Gradu Srebrenik Prijedloga zakona o Gradu Živinice, Dom naroda Parlamenta Federacije Bosne i Hercegovine je sa 41 glasom za, osam uzdržanih glasova i tri glasa protiv usvojio sljedeći

## **ZAKLJUČAK**

Dom naroda Parlamenta Federacije Bosne i Hercegovine zadužuje Vladu Federacije Bosne i Hercegovine da pristupi izmjenama i dopunama Zakona o načelima lokalne samouprave u Federaciji Bosne i Hercegovine.

### **2. Prijedlog odluke o davanju prethodne saglasnosti za kreditno zaduženje JP "Elektroprivreda BiH" d.d. Sarajevo kod izvozno-uvozne banke Kine za Projekat izgradnje bloka 7 - 450 MW TE Tuzla**

**-Prijedlog odluke o odobravanju Odluke o izdavanju garancije Federacije Bosne i Hercegovine u korist izvozno-uvozne banke Kine za kreditno zaduženje Javnog preduzeća "Elektroprivreda Bosne i Hercegovine" d.d. Sarajevo**

Prijedlog odluke dostavila je Vlada Federacije radi razmatranja i donošenja.

Predstavnički dom Parlamenta Federacije Bosne i Hercegovine obavijestio je Dom naroda da je u nastavku 1. sjednice održanom 7. marta 2019. godine donio Odluku o odobravanju Odluke o izdavanju garancije Federacije Bosne i Hercegovine u korist izvozno-uvozne banke Kine za kreditno zaduženje Javnog preduzeća "Elektroprivreda Bosne i Hercegovine" d.d. Sarajevo i Odluku o davanju prethodne saglasnosti za kreditno zaduženje JP "Elektroprivreda BIH" d.d. Sarajevo kod izvozno-uvozne banke Kine za Projekat izgradnje bloka 7 - 450 MW TE Tuzla.

Prijedloge odluka su razmatrala nadležna radna tijela i dostavila svoje izvještaje.

Prijedloge odluka je obrazložio Senad Salkić, izvršni direktor za kapitalne investicije u JP "Elektroprivreda Bosne i Hercegovine".

U raspravi su učestvovali: Žarko Vujović, Zvonko Marić, Ivo Tadić, Damir Džeba, Zdenka Džambas, Hajrudin Halilović, Dževad Hadžić, Aner Žuljević, Anel Šahinović, Fahrudin Skopljak, Edim Fejzić, Senad Alić, Jasmin Duvnjak, Tomislav Martinović, Senad Čeljo, Dragan Stevanović.

Nakon rasprave Domu naroda se obratio premijer Federacije Bosne i Hercegovine Fadil Novalić.

Poslije toga predsjedavajući je na zahtjev Kluba delegata hrvatskog naroda dao pauzu od pola sata.

Nakon pauze Domu naroda se obratio predsjednik Kluba delegata hrvatskog naroda Ivo Tadić.

Potom je predsjedavajući stavio na glasanje prijedloge odluka.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 46 glasova za i tri uzdržana glasa donio Odluku o davanju prethodne saglasnosti za kreditno zaduženje JP "Elektroprivreda BIH" d.d. Sarajevo kod izvozno-uvozne banke Kine za Projekat izgradnje bloka 7 - 450 MW TE Tuzla.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 46 glasova za,



tri uzdržana glasa i dva glasa protiv donio Odluku o odobravanju Odluke o izdavanju garancije Federacije Bosne i Hercegovine u korist izvozno-uvozne banke Kine za kreditno zaduženje Javnog preduzeća "Elektroprivreda Bosne i Hercegovine" d.d. Sarajevo.

Sjednica je završena u 17.55 sati.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆI

Tomislav Martinović